



NEWSLETTER BR. 20

JUNI 2016

SADRŽAJ

FIPA AKTIVNOSTI ≡

- » Posjeta firmi BOSNIAKOP d.o.o. Usora.
- » Direktor FIPA-e učestvovao na BALKAN SME CONFERENCE – SOFIA 2016
- » Italijani pripremaju investiciju vrijednu oko 150 miliona eura u BiH
- » Sastanak: Direktor FIPA-e – Ambasador Mađarske u BiH
- » FIPA-TRT : POČETAK KAMPANJE „ INVEST IN BOSNIA AND HERZEGOVINA“
- » Italijanski investitor zainteresiran za otvaranje fabrike boja i lakova u BiH
- » Egipatski investitori zainteresirani za ulaganje u BiH
- » Predstavnici FIPA-e učestvuju na investicijskim događajima u sklopu sajma u Ningbou u Kini NOSTI
- » Aftercare posjeta ureda FIPA-e u Mostaru firmi Schrack Technik BH d.o.o.
- » Sastanak FIPA-e sa Svjetskim savezom dijaspore Bosne i Hercegovine (SSDBiH)
- » Sastanak predstavnika FIPA, MVP, MVTEO i VTK

POSLOVNE VIJESTI ≡

FIPA AKTIVNOSTI ≡

≡ DIREKTOR FIPA-E UČESTVOVAO NA
BALKAN SME CONFERENCE – SOFIA 2016



ITALIJANI PIPREMAJU INVESTICIJU VRIJEDNU
OKO 150 MILIONA EURA U BIH ≡



...I JOŠ FIPA AKTIVNOSTI...



POSJETA FIRMI BOSNIAKOP D.O.O. USORA



U okviru Aftercare programa, predstavnici Agencije za unapređenje stranih investicija BiH (FIPA) i Općine Usora posjetili su 28. juna 2016. godine italijansku kompaniju BOSNIAKOP d.o.o. Usora.

Kompanija je osnovana 2012. godine i bavi se proizvodnjom poklopaca za wc šolje koje se proizvode od iverice i poliesterne smole. Izvozno su orijentirani i svoje proizvode plasiraju na italijansko tržište. Trenutno zapošljavaju 25 radnika i imaju tendenciju daljeg rasta u skladu sa rastom potražnje njihovih proizvoda.

Na sastanku se razgovaralo o uslovima poslovanja u BiH, kako ih unaprijediti, kao i o budućim planovima kompanije. Direktor kompanije g. Zanini Ansano smatra da BiH ima povoljan geografski položaj, kvalifikovanu i raspoloživu radnu snagu, niske stope poreza, kao i manje zakonsih propisa u odnosu na zemlje EU što predstavlja pogodnosti za investiranje.

Također, pozitivna iskustva postojećih italijanskih privrednika u BiH uticala su na odluku o pokretanju proizvodnje u Općini Usora.

BALKAN SME CONFERENCE Sofia 2016



DIREKTOR FIPA-E UČESTVOVAO NA BALKAN SME CONFERENCE – SOFIA 2016



U sklopu Balkanske konferencije o malom i srednjem poduzetništvu koja se održala u Sofiji 23. juna 2016. godine, direktor FIPA-e gđin Gordana Milinić prezentirao je potencijale za ulaganje u turistički sektor Bosne i Hercegovine. Balkanska konferencija o malom i srednjem poduzetništvu je okupila predstavnike kompanija iz cijele Europe, općina i vladinih institucija zemalja Balkana, te predstavlja odličnu priliku za predstavljanje mogućnosti za ulaganje. Zainteresirani potencijalni investitori su imali priliku čuti informacije o poslovnom ambijentu i projektima za ulaganje, te upoznati se sa komparativnim prednostima zemalja Balkana. Direktor FIPA-e je tom prilikom upoznao predstavnike kompanija sa pogodnostima za ulaganje koje Bosna i Hercegovina nudi investitorima i raspoloživim projektima iz sektora turizma, i to zimskog i planinskog, zdravstvenog i spa, eko i avanturističkog, morskog, kulturnog i vjerskog, kao i projektima za izgradnju hotela u BiH. Direktor Milinić je rekao da je turizam privredna grana u usponu i da je BiH poznata po prirodnim ljepotama, zimskim sportovima, kulturnoj baštini, arhitekturi, gastronomiji, a u 2015. godini "Lonely planet" rangirao je BiH na peto mjesto zemalja koje treba posjetiti. Prema podacima Svjetske turističke organizacije, Bosna i Hercegovina je definirana kao jedna od samo tri turističke destinacija u svijetu s ukupnim potencijalom rasta turističkog tržišta po stopi većoj od 10% godišnje do 2020. Turistički sektor ima ogroman potencijal za razvoj i sve predviđaju da igra značajnu ulogu u privredi zemlje. Bosna i Hercegovina konstantno bilježi rast broja turista i prihoda od turizma, te je direktor Milinić pozvao prisutne da posjete FIPA-u i Bosnu i Hercegovinu i sami se uvjere u sve mogućnosti za ostvarivanje profita u BiH i da čuju pozitivna iskustva postojećih stranih investitora. FIPA će svim zainteresiranim investitorima pružiti punu podršku u svim fazama realizacije investicije, od pružanja inicijalnih informacija o projektima, organizaciji sastanaka sa relevantnim institucijama, davanja pravnih savjeta, kao i podršku nakon realizacije investicije kroz Aftercare program. Također direktor Milinić je u toku posjete Sofiji održao i niz sastanaka sa potencijalnim investitorima, kako iz Bugarske, tako i drugih zemalja učesnica konferencije. Investitori su pokazali veliki interes ne samo za projekte iz sektora turizma, već i za druge sektore poput energetike, drvo-prerade, metalo-prerade i proizvodnje hrane. U toku svih susreta u Bugarskoj, direktor FIPA-e je imao punu podršku Ambasade BiH u Sofiji i ambasadora Nj. E. gđina Radomira Bogdanovića.



ITALIJANI PRIPREMAJU INVESTICIJU VRIJEDNU OKO 150 MILIONA EURA U BIH



Direktor Agencije za unapređenje stranih ulaganja BiH (FIPA) Gordan Milinić i saradnici razgovarali su sa Zdravkom Aćimovićem, direktorom Alfa Investa - partnera italijanske firme Pyrox iz Torina za jugoistočnu Europu, o planiranim investicijama Pyroxa u iznosu od oko 150 miliona eura u projekte kogeneracije na drvenu biomasu u BiH. Ovom investicijom bit će obuhvaćeno 20 nerazvijenih općina u FBiH i 20 općina u RS koje raspoložu drvnim otpadom. Italijanski Pyrox posjeduje svoju vlastitu tehnologiju za proizvodnju električne i toplotne energije na bazi čvrste biomase, a koja se može koristiti za zagrijavanje domaćinstava, plastenika, i drugih objekata.

Instaliranje i pokretanje jednog postrojenja bi zaposlilo 25 radnika, a prema biznis-planu svaka općina koja učestvuje u ovom projektu bi imala godišnji prihod od prodaje električne i toplotne energije u visini od oko milion eura.

Pored vlastitih sredstava investitora, projekat finansijski podržavaju Uni Credit banka Italije, i Investicijski fond Irske. Općine bi učestvovala u finansiranju investicije u iznosu od 10% do 15%, stim što i za ovaj postotak postoji mogućnost dodatnih dogovora.

S obzirom da je riječ o projektima obnovljive energije postoji dodatna mogućnost povlačenja sredstava iz evropskih fondova za ove svrhe.

Dogovoreno je da se polovinom jula 2016. godine održi sastanak između investitora i načelnika i rukovodilaca privrednih odjeljenja 40 općina na kojem bi bile prezentirane mogućnosti koje nudi investitor, kao i mogućnosti općina kada je riječ o potencijalima otpada iz drvene biomase, modaliteti realizacije investicije, kao i obaveze obiju strana. FIPA će koordinirati organizaciju sastanka i pružiti će potrebne usluge i investitorima i općinama sa ciljem brže realizacije investicija.



DIREKTOR FIPA-E – AMBASADOR MAĐARSKE U BIH -MAĐARSKA INVESTIRA 61 MILION EURA U BIH



Na sastanku održanom u FIPA-i, ambasador Mađarske u BiH N.J.E. Jozsef Negyesi informirao je direktora Agencije Gordana Milinića da će Mađarska investirati 61 milion eura u BiH u 2016. godini u projekte zaštite okoliša, poljoprivrede, turizma i energetike. Od FIPA se očekuje da mađarskim investitorima prezentira investicione mogućnosti u Bosni i Hercegovini, posebno projekte iz navedenih sektora, te da animira sve institucije u BiH koje učestvuju u procesu privlačenja stranih investicija i potencijalnim investitorima pruže punu podršku i pomognu u započinjanju njihove djelatnosti u BiH.

Direktor Milinić je obećao maksimalan angažman svih kapaciteta FIPA-e i svu potrebnu pomoć prilikom odabira projekata i lokacija i pokretanja djelatnosti mađarskih kompanija. Pozvao je ambasadora da zajednički ulože napore kako bi animirali zainteresirane mađarske investitore da uspješno realiziraju njihove investicije u BiH.

Obavijestio je također ambasadora o promotivnoj kampanji „Invest in BiH“ koju je FIPA već pokrenula, te o mogućnosti pripreme promotivnih spotova koji bi bili orijentirani na mađarske investitore.

Ambasador Negyesi je informirao direktora Milinića o skorom proširenju poslovanja kompanije „Wizz Air“ na sarajevski aerodrom i otvaranju novih avio linija, posebno linije Sarajevo-Budimpešta.



FIPA-TRT : POČETAK KAMPANJE „ INVEST IN BOSNIA AND HERZEGOVINA“



Dajući izjavu u promotivne svrhe, direktor Agencije za unapređenje stranih investicija u BiH (FIPA) Gordan Milinić je započeo novu kampanju „Invest in Bosnia and Herzegovina“ i ozvaničio suradnju sa nacionalnim javnim emiterom Turske – TRT na promociji Bosne i Hercegovine kao investicione lokacije, mogućnosti za ulaganje i sektora koji bi mogli biti interesantni turskim investitorima.

U FIPA-i je snimljen prvi materijal u svrhu promocije zemlje, koji će se emitirati na TRT-u. Suradnja će se nastaviti kroz snimanje i prikazivanje novih sadržaja u koje će biti uključeni ostali relevantni sugovornici.

Imajući u vidu trend pada stranih investicija u BiH u posljednjih nekoliko godina, te negativan imidž Bosne i Hercegovine u stranim privrednim krugovima, FIPA je osmislila novu promotivnu kampanju „INVEST IN BOSNIA AND HERZEGOVINA“, koja će se realizirati u inostranim medijima sa ciljem da se pokuša poboljšati imidž i percepcija Bosne i Hercegovine kao interesantne investicione lokacije i kao turističke destinacije.

U novu promotivnu kampanju u stranim medijima pod nazivom „Invest in BiH“ biće uključene sve institucije u Bosni i Hercegovini, entitetima, kantonima, gradovima i opštinama koje učestvuju u procesu privlačenja stranih investicija.



ITALIJANSKI INVESTITOR ZAINTERESIRAN ZA OTVARANJE FABRIKE BOJA I LAKOVA U BIH



Direktor Agencije za unapređenje stranih investicija BiH (FIPA) Gordana Milinić razgovarao je sa predstavnicima italijanske firme Bottosso Frighetto e Vernici o planovima otvaranja fabrike boja i lakova u Bosni i Hercegovini.

Firma koja spada u kategoriju srednjih firmi, se bavi proizvodnjom i prodajom širokog spektra visoko kvalitetnih boja i lakova koje prodaju na italijanskom, slovenačkom i ruskom tržištu, a iz BiH planiraju pokrivanje tržišta svih zemalja bivše Jugoslavije, te pripremaju otvaranje skladišnog i prodajnog objekta u Trnu kod Laktaša i u okolini Sarajeva.

FIPA će investitoru pružiti svu potrebnu asistenciju na putu ka realizaciji investicije.



EGIPATSKI INVESTITORI ZAINTERESIRANI ZA ULAGANJE U BIH



Direktor Agencije za unapređenje stranih investicija BiH (FIPA) Gordana Milinić razgovarao je 14. juna 2016. godine sa ambasadorom Bosne i Hercegovine u Kairu N.J.E. Duškom Stojanovićem o mogućnosti jačanja ekonomske suradnje između dvije zemlje i privlačenju investicija iz Egipta.

Ambasador Stojanović je istakao da su egipatski privrednici i investitori zainteresirani i za trgovinu i ulaganje u BiH sa posebnim osvrtom na oblasti turizma, tekstila, namjenske industrije, drvne industrije, metalni sektor i proizvodnju flaširane prirodne izvorske vode, pri tome navodeći da je nekoliko vodećih egipatskih investitora već istraživalo mogućnost da investira u BiH.

Tim povodom se planira organizacija privredno-investicionog foruma BiH-Egipat u septembru 2016 u Kairu koji će se održati u suradnji sa FIPA-om i Vanjsko-trgovinskom komorom BiH.

Privredna delegacija iz BiH će brojati između 50 i 100 privrednika.



PREDSTAVNICI FIPA-E UČESTVUJU NA INVESTICIJSKIM DOGAĐAJIMA U SKLOPU SAJMA U NINGBOU U KINI



U okviru posjete sajmu investicija i trgovine od 8. do 12. juna u Ningbou u Kini, direktor FIPA-e Gordan Milinić, kao član delegacije Bosne i Hercegovine na čelu sa ministrom Mirkom Šarovićem, učestvovao je na 2. Ministarskoj konferenciji posvećenoj promociji trgovine i ekonomske suradnje između Kine i 16 zemalja centralne i istočne Europe. Osim visoke delegacije Bosne i Hercegovine, na konferenciji su učestvovala delegacije Hrvatske, Makedonije, Srbije, Slovenije, Latvije, Litvanije, Estonije, Bugarske, Rumunije, Poljske, Češke, Slovačke, Mađarske, Albanije i Kine.

G. Milinić je govorio i na 3. sastanku Kontakt mehanizma za agencije za strana ulaganja Kine i zemalja istočne i centralne Europe. Ovom prilikom predstavio je prijedloge za unapređenje suradnje sa kineskim investitorima i privlačenje ulaganja u BiH. Također je u okviru navedenih događaja upoznao prisutne o dosadašnjoj suradnji sa Kinom, projektima koji su u toku i najavljenim investicijama. Dao je i prijedloge za unapređenje suradnje i predstavio najvažnije projekte koji bi mogli biti interesantni kineskim investitorima.

Održana je i prezentacija o mogućnostima ulaganja u BiH i predstavljeno je više od 65 projekata za ulaganje. Također, predstavnici FIPA-e su u okviru navedenih manifestacija održali veliki broj direktnih sastanaka sa zainteresiranim kineskim kompanijama koje su pokazale interes za energetiku, infrastrukturu, metalski sektor, turizam i nekretnine i druge sektore. Svi ovi događaji predstavljaju odličnu priliku za uspostavljanje čvršće suradnje sa Kinom i povećanje ulaganja kineskih investitora, posebno uzimajući u obzir ekonomski i privredni razvoj Kine.

Bh. delegacija je posjetila paviljom u kojem 11 kompanija iz Bosne i Hercegovine izlaže svoje proizvode.



AFTERCARE POSJETA UREDA FIPA-E U MOSTARU FIRMI SCHRACK TECHNIK BH D.O.O.



Schrack Technik BH d.o.o. je jedna od 11 kompanija srednje i istočne Europe u vlasništvu austrijske grupacije Schrack Technik sa sjedištem u Beču, čija je djelatnost proizvodnja i projektovanje u energetske tehnici, tehnici prenosa podataka i u informatičkoj tehnologiji.

Firma je osnovana 2007, a njena predstavništva se nalaze u Sarajevu, Banja Luci i Tuzli. Ukupno je investirano oko pet miliona KM, a imaju 22 zaposlena radnika.

Ukupan godišnji promet je oko milion KM, a planiraju reinvesticije u istom iznosu.

Pored opremanja objekata opremom za elektrotehniku u području razvoda električne energije niskog napona, elektrotehničke proizvode za aplikacije u industriji i zgradarstvu, proizvode rasvjetne tehnologije, sigurnosne rasvjete, mrežne tehnologije, te fotonaponske tehnologije. Zainteresirani su i za suradnju sa kompanijama koje grade solarne elektrane u BiH.

Dogovorena je i pomoć FIPA-e u rješavanju otvorenih pitanja i problema sa kojima se kompanija susreće u svakodnevnom poslovanju.



SASTANAK FIPA-E SA SVJETSKIM SAVEZOM DIJASPORE BOSNE I HERCEGOVINE (SSDBiH)



Povodom održavanja 8. Kongresa Svjetskog Saveza dijaspore Bosne i Hercegovine u Sarajevu, direktor Agencije za unapređenje stranih investicija BiH (FIPA) Gordan Milinić i rukovodstvo FIPA razgovarali su sa delegacijom Saveza, na čelu sa predsjednikom Hasanom Šehovićem, o unapređenju suradnje i zajedničkim aktivnostima na privlačenju stranih investicija, kao i uslugama i pomoći koje će FIPA pružiti zainteresiranim za ulaganje. Imajući u vidu da je zajednički cilj FIPA-e i dijaspore poboljšanje ekonomske situacije u zemlji kroz pokretanje novih investicija i otvaranje novih radnih mjesta, a time i poboljšanje životnog standarda bh. građana, FIPA će i dalje biti na raspolaganju svim investitorima iz dijaspore na način da im olakša pokretanje djelatnosti u BiH i pratit će ih kroz sve faze investiranja. Direktor Milinić se osvrnuo na značaj bh. dijaspore, s obzirom na njihov značajan broj u inostranstvu, na njihovo stečeno znanje i vještine, poslovne kontakte koje su ostvarili u inostranstvu kroz njihovo djelovanje i rad, kontakte sa institucijama zemalja u kojima djeluje, te kapital i poslovne rezultate po kojima je veliki broj postao prepoznatljiv u inostranoj poslovnoj zajednici. Pozvao je predstavnike dijaspore da informiraju svoje poslovne partnere i prijatelje o mogućnostima za ulaganje i FIPA-i koja će im biti na usluzi. Predstavnici dijaspore su se između ostalog osvrnuli na slabosti ekonomske diplomatije BiH koje su prepreka u nastojanjima za privlačenje većeg broja stranih investitora u BiH. Također su iznijeli nekoliko slučajeva gdje su strani investitori iz zemalja u kojima oni žive željeli pokrenuti djelatnost u BiH, ali zbog komplicirane administracije su odustali od investiranja. SSDBiH je prethodnih godina pokrenuo inicijativu za otvaranje biznis klubova koji okupljaju privrednike iz bh. dijaspore kako bi se zajednički razmatrale mogućnosti za ulaganje u BiH.

Svjetski savez dijaspore je pružio punu podršku radu FIPA i nastojanju da se kroz strane investicije otvaraju nova radna mjesta i popravljaju loša ekonomska situacija u zemlji. Dijaspore će pored pronalaska investitora u svojim redovima pokušati angažirati i strance, svoje prijatelje i partnere, a pored sastanaka dijaspore i biznis foruma razmatra se i mogućnost organiziranja velike zajedničke investicijske konferencije FIPA-e i SSDBiH.



SASTANAK PREDSTAVNIKA FIPA, MVP, MVTEO I VTK STRANE INVESTICIJE – PRIORITETAN ZADATAK ZA SVE INSTITUCIJE



Predstavnici Agencije za unapređenje stranih investicija BiH (FIPA), Ministarstva vanjskih poslova BiH, Ministarstva vanjske trgovine i ekonomskih odnosa BiH i Vanjsko-trgovinske komore BiH su 1. juna 2016. godine održali radni sastanak posvećen zajedničkom radu na privlačenju stranih investitora u BiH.

Imajući u vidu trend pada stranih investicija u BiH u posljednjih nekoliko godina, učesnici sastanka su se složili da je privlačenje stranih investicija prioritetan zadatak svih institucija BiH. Unapređenje suradnje na poboljšanju priliva stranih ulaganja i poboljšanje koordinacije rada institucija na polju promocije Bosne i Hercegovine kao destinacije interesantne stranim investitorima, te zajednički i koordinirani nastup na promoviranju investicionih potencijala BiH treba doprinijeti povećanju priliva stranih investicija bez kojih nema ekonomskog napretka.

Na sastanku je razgovarano o jačanju ekonomske diplomatije DKP mreže BiH u svijetu na način da se iz privrede biraju eksperti - ekonomski savjetnici koji bi radili na pronalasku stranih investitora. Zaključeno je da se intenzivira učešće na svim investicionim skupovima i forumima u svijetu, te uloži više sredstava u izradu promotivnih materijala i provede zajednička kampanja u stranim medijima pod nazivom „Invest in BiH”. Organizirat će se i tzv. „outreach” kampanja u pojedinim zemljama, odnosno ciljne posjete jednom broju potencijalnih investitora.

Također je naglašena potreba zajedničkog rada svih institucija na stvaranju povoljnog zakonodavnog okvira za privlačenje stranih investitora, te na eliminiranju parafiskalnih nameta koji otežavaju ekonomsku aktivnost u zemlji.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a semi-transparent overlay of its national flag, which features a yellow triangle at the top, a blue triangle at the bottom, and a white diagonal line with seven white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA